

Պ Ա Յ Մ Ա Ն Ա Գ Ի Ր Ն Հ Հ Ա Ն Մ Ա Ծ Ձ Բ-2023/20

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀՈՒԹՅԱՆ ՆԱԽԱՐԱՐՈՒԹՅԱՆ
ԵՎ

ԱՆ «ԱԿԱԴԵՄԻԿՈՍ Ս. ԱՎԴԱԼԲԵԿՅԱՆԻ ԱՆՎԱՆ ԱՌՈՂՋԱՊԱՀՈՒԹՅԱՆ ԱԶԳԱՅԻՆ
ԻՆՍՏԻՏՈՒՏ» ՓԲԸ

(իրավաբանական անձի կամ անհատ ձեռնարկատիրոջ)

ՄԻՋԵՎ

Հայաստանի Հանրապետության առողջապահության նախարարությունը (այսուհետ՝ Պատվիրատու), մի կողմից՝ ի դեմս Պատվիրատուի գլխավոր քարտուղար Վարդանուշ Գրիգորյանի, որը գործում է Պատվիրատուի կանոնադրության հիման վրա և Առողջապահության նախարարության «Ակադեմիկոս Ս. Ավդալբեկյանի անվան առողջապահության ազգային ինստիտուտ» ՓԲԸ-ը (այսուհետ՝ Կատարող), ի դեմս տնօրեն Ալեքսանդր Բազարջյանի, որը գործում է «Ակադեմիկոս Ս. Ավդալբեկյանի անվան առողջապահության ազգային ինստիտուտ» ՓԲԸ կանոնադրության հիման վրա (միայն իրավաբանական անձանց դեպքում), կնքեցին սույն պայմանագիրը հետևյալի մասին.

I. ՊԱՅՄԱՆԱԳՐԻ ԱՌԱՐԿԱՆ

1.1. Պատվիրատուն հանձնարարում, իսկ Կատարողը պարտավորվում է մատուցել N1 հավելվածով սահմանված ծառայությունը (այսուհետ՝ Ծառայություն)՝ Առողջապահության նախարարի հաստատած տեսակներով ու գներով, N2 հավելվածով սահմանված պայմանագրային գումարի շրջանակում:

II. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ

2.1. Կատարողն իրավունք ունի.

2.1.1. սույն պայմանագրով սահմանված կարգով ստանալ փոխհատուցում սույն պայմանագրի պայմաններին համապատասխան ծավալներով մատուցված Ծառայության համար,

2.1.2. անհրաժեշտության դեպքում հիմնավորել Պատվիրատուին ներկայացված Ծառայության վերաբերյալ հաշվետվությունների արժանահավատությունը՝ լրացուցիչ փաստաթղթեր և հիմնավորումներ ներկայացնելու միջոցով,

2.1.3. առանձին դեպքերում Ծառայության պայմանագրային ծավալների ամսական համամասնությունների գերակատարման հետևանքով սահմանված կարգով կատարված, սակայն փոխհատուցման չներկայացված (կասեցված) ծավալները հաշվետու ժամանակահատվածում ներկայացնել Պատվիրատուին փոխհատուցման՝ սույն պայմանագրով հաստատված պայմանագրային գումարի շրջանակներում,

2.1.4. ներկա գտնվել Պատվիրատուի կողմից ինստիտուտում իրականացվող դիտարկումներին, մշտադիտարկումներին, ուսումնասիրություններին, փորձագիտական գործունեությանը և ՀՀ օրենսդրությամբ սահմանված կարգով բողոքարկել Պատվիրատուի գործողությունները,

2.1.5. օգտվել ՀՀ օրենսդրությամբ սահմանված այլ իրավունքներից:

2.2. Կատարողը պարտավոր է.

2.2.1. Ծառայությունն իրականացնել ոլորտը կարգավորող օրենքներին, որոշումներին և առողջապահության նախարարի (այսուհետ՝ Նախարար) հրամաններին համապատասխան,

2.2.2. ներկայացնել սույն պայմանագրի N2 հավելվածով նշված ծրագրերին համապատասխան առանձին հանձնման-ընդունման արձանագրություններ և հաշվարկային փաստաթղթեր, ինչպես նաև իր կողմից իրականացվող գործունեության վերաբերյալ Նախարարի կողմից և այլ իրավական ակտերով սահմանված հաշվետվություններ, ձևեր և տեղեկանքներ,

2.2.3. ապահովել սույն պայմանագրով սահմանված Ծառայությունների մատուցման պայմանները,

2.2.4. մատուցված Ծառայությունները սահմանված կարգով ներկայացնել փոխհատուցման՝ հաշվի առնելով Նախարարի կողմից տվյալ ծառայությունների համար հաստատված գները և փոխհատուցման առանձնահատկությունները:

2.2.5. ապահովել սույն պայմանագրի շրջանակներում իրականացվող Ծառայության մասին տեղեկատվության հրապարակայնությունը, այդ թվում՝ տեսանելի վայրերում փակցնել Ծառայությունների ծավալների և շահառուների վերաբերյալ տեղեկատվական պաստառները,

2.2.6. ապահովել Ծառայություն ստացող անձանց Նախարարի համապատասխան հրամաններով հաստատված իրազեկման թերթիկների լրացումը և տրամադրումը,

2.2.7. անկախ ֆինանսավորման աղբյուրներից և ուղղություններից ապահովել գոյացած ֆինանսական միջոցների արդյունավետ և նպատակային օգտագործումը՝ պահպանելով դրամական միջոցների ելքերի իրականացման հետևյալ առաջնահերթությունները՝

- 1) աշխատավարձ,
- 2) հարկային պարտավորություններ,
- 3) դեղերի և բժշկական նշանակության ապրանքների դիմաց վճարում,
- 4) այլ վճարումներ,

2.2.8. սահմանել աշխատողների աշխատավարձը, այդ թվում՝ ըստ բուժաշխատողների տարբեր կատեգորիաների աշխատավարձի առնվազն նվազագույն ամսական չափերը՝ Նախարարի հրամաններով հաստատված աշխատողների աշխատանքի վարձատրության հաշվարկման և վճարման չափորոշիչներին համապատասխան,

2.2.9. պայմանագրի գործողության ընթացքում ցանկացած ձևով վերակազմակերպման, լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին,

2.2.10. Պատվիրատուի կողմից դիտարկում, մշտադիտարկում, ուսումնասիրություն, փորձագիտական գնահատում իրականացնելու ամբողջ ընթացքում ապահովել Պատվիրատուին անհրաժեշտ բոլոր փաստաթղթերի և այլ տեղեկատվության ներկայացումը (այդ թվում բժշկական օգնության և սպասարկման վճարովի հիմունքներով իրականացվող ծառայությունների վերաբերյալ), ապահովել համապատասխան մասնագետների, այդ թվում սույն պայմանագրի 2.3.2 կետով նախատեսված Պատվիրատուի մշտական ներկայացուցիչների համար աշխատանքային պայմաններ, օժանդակել աշխատանքները ժամանակին և լիարժեք կատարելու հարցում,

2.2.11. ապահովել սույն պայմանագրի գաղտնի N3 հավելվածով սահմանված դրույթների կատարումը, ինչպես նաև այդ դրույթների կատարման հիմքով իրեն հայտնի դարձած, օրենքով պաշտպանվող կամ այլ տեղեկությունների գաղտնիությունը,

2.2.12. կատարել Ծառայության ոլորտը կարգավորող իրավական ակտերով սահմանված այլ պարտականություններ:

2.2.13. Նախքան Պայմանագրի N2 հավելվածում նշված «Բժշկական գործելակարգերի մշակման ծառայություններ» և «Նորմատիվ փաստաթղթերի մշակման ծառայություններ» ծառայությունները մատուցելը՝ դրանց ընտրությունը և մշակումը համաձայնեցնել տվյալ գործընթացը համակարգող Առողջապահության նախարարի տեղակալի հետ, կազմելով և Առողջապահության նախարարություն ներկայացնելով Բժշկական գործելակարգի համառոտ նկարագիր (ալգորիթմ)՝ էլեկտրոնային առողջապահության համակարգ մուտքագրելու համար:

2.3. Պատվիրատուն իրավունք ունի.

2.3.1. սույն պայմանագրի համաձայն՝ տեղում իրականացնել դիտարկումներ, մշտադիտարկումներ, ուսումնասիրություններ, փորձագիտական գնահատում՝ Կատարողի կողմից Ծառայության կատարման ընթացքի, Նախարարի կողմից հաստատված հրամաններով և Պայմանագրով սահմանված ծավալների Կատարողի գործունեությունը բնութագրող տեղեկատվության արժանահավատության և ստացված ֆինանսական միջոցների արդյունավետ ու նպատակային օգտագործման ճշտության և իրավական ակտերով սահմանված պահանջների կատարման և պահպանման վերաբերյալ, սահմանել հայտնաբերված թերությունները սեփական միջոցներով վերացնելու ողջամիտ ժամկետ,

2.3.2. ունենալ մշտական ներկայացուցիչ 500 մլն. դրամ և ավել տարեկան պայմանագրային ծավալ ունեցող բժշկական կազմակերպություններում: Ներկայացուցիչների աշխատակարգը, պարտականությունները և իրավունքները կարգավորվում է նախարարի համապատասխան հրամանով,

2.3.3. Կատարողի կողմից պայմանագրի շրջանակներում մատուցված ծառայությունների ուսումնասիրության, դիտարկման, մշտադիտարկման, փորձագիտական գնահատման արդյունքներով հայտնաբերված թերությունները վկայակոչելու և դրանց հետ կապված պահանջներ ներկայացնելու՝ ծառայությունն ընդունելուց հետո մինչև երեք տարվա ընթացքում: Սույն կետը կիրառվում է նաև կողմերի միջև մինչև սույն պայմանագրի կնքումը ծագած հարաբերությունների նկատմամբ՝ կապված նախորդ երկու տարիների ընթացքում պետության կողմից երաշխավորված բժշկական օգնության և սպասարկման ծառայությունների ձեռքբերման հետ,

2.3.4. ամբողջությամբ կամ մասնակի չֆինանսավորել մշտադիտարկում, դիտարկում կամ ուսումնասիրություն իրականացնելու ընթացքում հայտնաբերված.

2.3.4.1. Ծառայության այն ծավալները, որոնք ըստ Կատարողի կողմից ներկայացված հաշվետվությունների՝ մատուցվել են ամբողջությամբ կամ մասնակիորեն ոչ պատշաճ ծավալի և որակի,

2.3.4.2. մատուցված ծառայությունների դիմաց վճարումներ իրականացնելիս՝ վճարվելիք գումարներից հաշվարկել և հաշվանցել պայմանագրով սահմանված տույժերը ու տուգանքները,

2.3.4.3. Ծառայություն այն ծավալները, որոնց դեպքում Կատարողի կողմից չեն պահպանվել ոլորտը կարգավորող իրավական ակտերի դրույթները,

2.3.5. Կատարողի կողմից սույն պայմանագրով սահմանված միևնույն դրույթը Պատվիրատուի կողմից նախազգուշացնելուց հետո պայմանագրի գործողության ընթացքում կրկնակի խախտելու դեպքում՝

2.3.5.1. կիրառել սույն պայմանագրով նախատեսված տույժեր, տուգանքներ և ՀՀ օրենսդրությամբ նախատեսված պատասխանատվության այլ միջոցներ,

2.3.5.2. միակողմանի լուծել պայմանագիրը՝ հաշվի առնելով ՀՀ քաղաքացիական օրենսգրքի 780-րդ հոդվածը: Ընդ որում սույն պայմանագրի շրջանակներում փոխհատուցման ենթակա փաստացի ծախս է համարվում Կատարողի կողմից ներկայացված և Պատվիրատուի կողմից ընդունված, սակայն դեռևս չֆինանսավորված Ծառայություն ծավալները: Ընդ որում առանց հերթագրման սկզբունքի Ծառայության կազմակերպման մասով ընդունված ծավալ է համարվում տվյալ ծրագրերի/միջոցառումների շրջանակներում փաստացի մատուցած Ծառայություն ծավալները, սակայն ոչ ավել, քան նշված ծրագրերի/միջոցառումների տարեկան պայմանագրային գումարը:

2.3.6. այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, պայմանագրի

կողմը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո պատվիրատուն միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, պատվիրատուն չի կրում պայմանագրի միակողմանի լուծման հետևանքով պայմանագրի կողմի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով պատվիրատուի կրած վնասներն այն ծավալով, որի մասով պայմանագիրը լուծվել է: Սույն կետով նախատեսված հիմքերն ի հայտ գալու դեպքում հսկողություն և (կամ) վերահսկողություն իրականացնող մարմինները, իսկ մյուս դեպքերում պատվիրատուն այդ մասին ծանուցում են իրավապահ մարմիններին՝ վերջիններիս և պայմանագրի կնքած մասնակցին ներկայացնելով հիմքերը:

2.3.7. միակողմանի լուծել սույն պայմանագիրը, եթե Կատարողը էականորեն խախտել է սույն պայմանագրի դրույթները: Կատարողի կողմից պայմանագիրը խախտելն էական է համարվում, եթե.

2.3.7.1. մատուցված Ծառայությունները չեն համապատասխանում սույն պայմանագրով սահմանված պահանջներին,

2.3.7.2. սահմանված ժամկետներում չի իրականացնում պայմանագրով նախատեսված տույժերի և տուգանքների վճարումները, չի վերացնում (<< պետական բյուջե վճարման պարտավորության առաջացման դեպքում չի հատուցում) Պատվիրատուի կողմից արձանագրված խախտումները և/կամ թերությունները, անկախ Կատարողի կողմից դրանց ընդունման հանգամանքից: Ընդ որում Կատարողի կողմից չընդունման դեպքում վեճերը լուծվում են համաձայն 7.4 կետի:

2.3.8. սահմանել Ծառայության փոխհատուցման առանձնահատկություններ,

2.3.9. հատկացված միջոցների սահմաններում կազմակերպությունների կանխատեսվող թերակատարումների և գերակատարումների համամասնությամբ պայմանագրային գումարներում սահմանված կարգով կատարել համապատասխան փոփոխություններ (պակասեցումներ և/կամ ավելացումներ),

2.3.10. Ծառայության վերաբերյալ կազմված արձանագրությունները Կատարողի կողմից ողջամիտ ժամկետում չճշգրտելու և/կամ պատճառաբանված եղանակով արձանագրությունների չընդունման վերաբերյալ առարկություն չներկայացնելու դեպքում՝ ինքնուրույն իրականացնել փոխհատուցման ընդունված Ծառայության ծավալների ճշգրտում: Ընդ որում Պատվիրատուն ինքնուրույն կարող է իրականացնել փոխհատուցման ընդունված Ծառայության ծավալների ճշգրտում նաև Կատարողի կողմից սույն կետի համաձայն ներկայացրած պատճառաբանված առարկությունները չընդունելու դեպքում: Սույն կետի մասով ողջամիտ ժամկետը սահմանվում է Պատվիրատուի կողմից:

2.3.11. կրել իրավական ակտերով սահմանված այլ իրավունքներ:

2.4. Պատվիրատուն պարտավոր է.

2.4.1. իրավական ակտերով սահմանված ժամկետներում ընդունել և ամփոփել Կատարողի կողմից իրականացված Ծառայության վերաբերյալ սահմանված կարգով ներկայացված հաշվետվությունները և ներկայացնել վճարման: Վճարումն իրականացվում է անկանխիկ եղանակով, գումարը Կատարողի բանկային հաշվեհամարին փոխանցման միջոցով: Պատվիրատուի կողմից պայմանագրի 2.4.2 կետով սահմանված ժամկետում մատուցված ծառայությունները չընդունելու կամ չմերժելու դեպքում այն համարվում է ընդունված, և

պայմանագրով սահմանված վերջնաժամկետին հաջորդող աշխատանքային օրը պատվիրատուն պայմանագրի կողմին է տրամադրում իր կողմից հաստատված հանձնման-ընդունման արձանագրությունը: Ընդ որում, պայմանագրի արդյունքը պատվիրատուին հանձնելու փաստն ամրագրվում է երկկողմ հաստատված փաստաթղթով՝ նշելով փաստաթղթի կազմման ամսաթիվը (էլեկտրոնային հասցեով հանձնելու դեպքում հիմք է ընդունվում սույն պայմանագրում նշված էլեկտրոնային փոստի հասցեին էլեկտրոնային նամակի ուղարկման ամսաթիվը),

2.4.2. սահմանված կարգով ապահովել ֆինանսավորման համար անհրաժեշտ փաստաթղթերի մուտքագրման գործընթացը և այլ անհրաժեշտ գործողությունների կատարումը՝ մինչև հաշվետու ամսվան հաջորդող ամսվա 15-ը, իսկ դեկտեմբեր ամսվա համար՝ մինչև տվյալ տարվա դեկտեմբերի 25-ը՝ Կատարողի կողմից սույն պայմանագրի 2.2.2. կետով սահմանված ժամկետների պահպանման պայմանով,

2.4.3. Կատարողին ցուցաբերել անհրաժեշտ կազմակերպամեթոդական օժանդակություն, առողջապահության նախարարության պաշտոնական կայքում ստեղծել հատուկ դարան և տեղադրել պետության կողմից երաշխավորված բժշկական օգնության և սպասարկման ոլորտը կարգավորող իրավական ակտերը,

2.4.4. ՀՀ օրենսդրությամբ սահմանված կարգով իր իրավասության սահմաններում ապահովել տեղեկատվության գաղտնիությունը,

2.4.5. պայմանագիր կնքած անձի կողմից ստանձնված պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է տեղեկագրում՝ նշելով հրապարակման ամսաթիվը: Պայմանագիր կնքած անձը համարվում է պայմանագիրը միակողմանի լուծելու մասին պատշաճ ծանուցված՝ ծանուցումը տեղեկագրում հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը ուղարկվում է նաև պայմանագիր կնքած անձի էլեկտրոնային փոստին,

2.4.6. կատարել ոլորտը կարգավորող իրավական ակտերով սահմանված այլ պարտականություններ:

III. ՎԵՐԱՀՍԿՈՒՄ

3.1. Կատարողի կողմից սույն պայմանագրի շրջանակներում մատուցված կամ մատուցվող ծառայությունների որակի և ծավալի համապատասխանության գնահատումը սույն պայմանագրի պահանջներին իրականացվում է ՀՀ օրենսդրությամբ և Նախարարի հրամանով հաստատված ընթացակարգով՝ ընթացիկ կամ տեղերում մշտադիտարկումների, դիտարկումների, ուսումնասիրությունների, դեպքերի անհատական վարման (case management) միջոցով:

IV. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

4.1. Սույն պայմանագրով Կատարողի ստանձնած պարտավորությունների չկատարման կամ ոչ պատշաճ կատարման համար սահմանվում են տույժեր և տուգանքներ: Տուգանքի չափը կազմում է պայմանագրի ընդհանուր գնի 0,5 տոկոսը, իսկ տույժերի չափը՝ 0,05 տոկոսը: Ընդ որում, տուգանքը հաշվարկվում է նաև պայմանագրով նախատեսված ծառայությունների մատուցումը պայմանագրով սահմանված ժամկետներում կատարելու, սակայն պատասխանատու ստորաբաժանման կողմից պայմանագրի արդյունքը

չընդունվելու դեպքում: Տույժը հաշվարկվում է աշխատանքային օրերով՝ պայմանագրի չկատարված մասի գումարի նկատմամբ:

4.2 Պարտավորությունների ոչ պատշաճ կատարում է համարվում նաև.

4.2.1. եթե Կատարողի կողմից Պատվիրատուին ներկայացված տվյալներում յուրաքանչյուր ենթամիջոցառման (ծածկույթի) մասով հայտնաբերված թերությունների, անճշտությունների թիվը ամսական կտրվածքով գերազանցում է նույն ենթամիջոցառման (ծածկույթի) շրջանակներում ներկայացված հաշվետվությունների 5 տոկոսը,

4.2.2. Կատարողի կողմից սույն պայմանագրով նախատեսված Ծառայության ծավալները ոչ ամբողջությամբ կամ մասնակի կամ ոչ պատշաճ որակի Ծառայության տրամադրումը՝ եթե դրա մասին Պատվիրատուի կողմից Կատարողին սույն պայմանագրի գործողության ընթացքում առնվազն մեկ անգամ գրավոր տեղեկացվել է և նախազգուշացնելուց հետո նույն խախտումը կրկնվել է կամ խախտումը չի վերացվել,

4.3. սույն պայմանագրով հաշվետվությունների ներկայացման ժամկետները խախտելու դեպքում Կատարողից ուշացված յուրաքանչյուր աշխատանքային օրվա համար գանձվում է տույժ, որը հաշվարկվում է պայմանագրի գումարի նկատմամբ՝ 0,05%-ի չափով,

4.4. Պատվիրատուի կողմից դիտարկում, մշտադիտարկում, ուսումնասիրություն, փորձագիտական գնահատում իրականացնելու ժամանակ Պատվիրատուին անհրաժեշտ փաստաթղթերի և այլ անհրաժեշտ տեղեկատվություն չտրամադրելու դեպքում Կատարողի նկատմամբ սահմանվում է տուգանք Պայմանագրի ընդհանուր գումարի 0,5%-ի չափով: Սույն կետի կիրառության մասով, եթե Կատարողը Ծառայություն է մատուցում առանց պայմանագրային գումարի սահմափակման սկզբունքով փոխհատուցվող ծրագրերի/միջոցառումների շրջանակում, ապա սույն պայմանագրի N2 հավելվածով սահմանված պայմանագրային գումարին գումարվում է տուգանքի նշանակման պահին նշված ծրագրերի/միջոցառումների շրջանակներում փաստացի մատուցած Ծառայության ծավալը:

4.5. Կատարողը սահմանված կարգով և չափերով պատասխանատվություն է կրում նաև սույն պայմանագրի N 3 հավելվածում՝ «Ծառայությունների մատուցման պայմաններ»-ում նշված պարտավորությունների չկատարման համար,

4.6. սույն պայմանագրի շրջանակներում ընթացիկ կամ տեղում մշտադիտարկումների, դիտարկումների, ուսումնասիրությունների, դեպքերի անհատական վարման միջոցով հայտնաբերված այն խախտումների գումարը, որոնք կատարվել են սույն պայմանագրի գործողության ժամանակահատվածում, Պատվիրատուն պակասեցնում է Կատարողի ընթացիկ տարվա փաստացի ծառայությունների ծավալից, իսկ սույն պայմանագրի գործողության ժամանակահատվածից դուրս հայտնաբերված խախտումների արձանագրված գումարը փոխանցվում է ՀՀ պետական բյուջեի համապատասխան հաշիվներին,

4.7. Պատվիրատուի կողմից հայտնաբերված խախտումների ճշտումը չի ազատում Կատարողին իր պարտավորությունները ոչ պատշաճ կատարելու համար ՀՀ օրենսդրությամբ և սույն պայմանագրով նախատեսված պատասխանատվությունից,

4.8. տուգանքի և տույժի վճարումը Պատվիրատուին և Կատարողին չի ազատում իրենց պայմանագրային պարտավորությունները ամբողջությամբ կատարելու կամ խախտումները վերացնելու պարտականությունից,

4.9. սույն պայմանագրի շրջանակում նախատեսված տուգանքները և տույժերը հաշվարկվում և վճարվում են ՀՀ օրենսդրությամբ սահմանված կարգով,

4.10. սույն պայմանագրով չնախատեսված դեպքերում Պատվիրատուին և Կատարողին իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

V. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

5.1. Սույն պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե եղել է անհաղթահարելի ուժի ազդեցություն, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա Կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

VI. ՊԱՅՄԱՆԱԳՐԻ ԼՈՒԾՈՒՄԸ

- 6.1. Սույն պայմանագիրը կարող է լուծվել, եթե կողմերը կամ լուծարվել, կամ վերակազմակերպվել, կամ սնանկ են ճանաչվել՝ հատուցելով կողմերի կատարած ծախսերը,
- 6.2. սույն պայմանագիրը կարող է լուծվել 2.3.5.2, 2.3.6, 2.3.7 և 5.1 կետերով նախատեսված դեպքերում,
- 6.3. սույն պայմանագիրը կարող է միակողմանի լուծվել՝ 7.2 կետում նշված համաձայնագրի կնքումից Կատարողի հրաժարման դեպքում,
- 6.4. ՀՀ օրենսդրությամբ կամ սույն պայմանագրով նախատեսված այլ դեպքերում:

VII. ԵԶՐԱՓՈՒԿ ԴՐՈՒՅԹՆԵՐ

- 7.1. Սույն պայմանագիրն ուժի մեջ է մտնում ստորագրման պահից և գործում է մինչև 31.12.2023 թվականը: Պայմանագրի պայմանները կիրառվում են 2022 թ. դեկտեմբերի 15-ից մինչև պայմանագիր կնքելը, բայց ոչ ուշ, քան 2023թ. հունվարի 31-ը կողմերի միջև ծագած հարաբերությունների նկատմամբ՝ բացառությամբ Պայմանագրի 2.3.6. կետի: Ընդ որում՝ մինչև Պայմանագիր կնքվելը Կատարողի կողմից մատուցված ծառայության դիմաց վճարումը իրականացվում է Պայմանագիրը սույն կետի համաձայն ՀՀ ֆինանսների նախարարության կողմից հաշվառված լինելու դեպքում,
- 7.2. Պայմանագրում փոփոխություններ և լրացումներ կարող են կատարվել համաձայնագիր կնքելու միջոցով, որը կհանդիսանա սույն պայմանագրի անբաժանելի մասը:
- 7.3 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել՝ կողմերի փոխադարձ համաձայնությամբ՝ բացառությամբ Հայաստանի Հանրապետության օրենսդրությամբ սահմանված կարգով սույն պայմանագրի շրջանակում մատուցվելիք ծառայության գնման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել՝ նախքան ՀՀ օրենսդրությամբ սահմանված կարգով գնումը կատարելու համար անհրաժեշտ ֆինանսական հատկացումների նվազեցումը: Ընդ որում, արգելվում է միևնույն բյուջետային տարվա ընթացքում նույն ծառայության ձեռքբերման նպատակով նախատեսել

Ֆինանսական միջոցներ: Սույն կետը կիրառելի է Կատարողի կողմից պայմանագրով սահմանված պարտավորությունները չկատարելու կամ ոչ պատշաճ կատարելու դեպքում:

7.4. կողմերի միջև վեճերը լուծվում են Կողմերի բանակցությունների միջոցով, իսկ համաձայնության չգալու դեպքում՝ ՀՀ օրենսդրությամբ սահմանված կարգով,

7.5. Պայմանագրի կողմերից անկախ գործոնների ազդեցությամբ Պայմանագրի փոփոխման դեպքերը սահմանում է Հայաստանի Հանրապետության կառավարությունը,

7.6. սույն պայմանագրից ծագած Կողմի վճարային պարտավորությունը չի կարող դադարել այլ պայմանագրից ծագած՝ հակընդեմ պարտավորության հաշվանցով, առանց Կողմերի գրավոր և կնիքով հաստատված համաձայնության: Սույն պայմանագրից ծագած պահանջի իրավունքը չի կարող փոխանցվել այլ անձի առանց պարտապան Կողմի (ֆինանսների նախարարության) գրավոր համաձայնության, 7.7.1 պայմանագրով նախատեսված կողմերի իրավունքների և պարտականությունների կատարման պայման է այդ գործարքի՝ լիազորված մարմնի կողմից հաշվառված լինելու հանգամանքը,

7.7. սույն պայմանագիրը և նրան կից հավելվածները կազմված են հավասար իրավաբանական ուժ ունեցող երկու օրինակից, որոնցից մեկը գտնվում է Պատվիրատուի, մյուսը՝ Կատարողի մոտ՝ բացառությամբ գաղտնի N3 հավելվածի:

VIII. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պատվիրատու՝ Նախարարություն	Առողջապահության	Կատարող՝ ԱՆ «Ակադեմիկոս Ս. Ավդալբեկյանի անվան առողջապահության ազգային ինստիտուտ» ՓԲԸ
Հասցե՝ Երևան, Կառավարական տուն 3		Հասցե՝ Երևան, 0051, Կոմիտաս 49/4
Սպասարկող բանկ՝ ՀՀ ՖՆ աշխատակազմի գործառնական վարչություն		Սպասարկող բանկ՝ «Հայէկոնոմբանկ» ԲԲԸ
Բանկային հաշիվ՝ 900011105153		Բանկային հաշիվ՝ 163058101441
ՀՎՀՀ 02507171		ՀՎՀՀ 00011624
Նախարարության գլխավոր քարտուղար՝ Վարդանուշ Գրիգորյան		ԱՆ «Ակադեմիկոս Ս. Ավդալբեկյանի անվան առողջապահության ազգային ինստիտուտ» ՓԲԸ տնօրեն՝ Ալեքսանդր Բազարջյան
----- (ստորագրություն)		----- (ստորագրություն)
Հեռ. 060-808003 E-mail: info@moh.am		Հեռ. 010-285071 E-mail: accounting@nih.am

ՑԱՆԿ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀՈՒԹՅԱՆ ՆԱԽԱՐԱՐՈՒԹՅԱՆ ԵՎ
 ԱՆ «ԱՎԱԴԵՄԻԿՈՍ Ս. ԱՎԴԱԼԲԵԿՅԱՆԻ ԱՆՎԱՆ ԱՌՈՂՋԱՊԱՀՈՒԹՅԱՆ ԱԶԳԱՅԻՆ ԻՆՍՏԻՏՈՒՏ» ՓԲԸ
 ԾԱՌԱՅՈՒԹՅՈՒՆՆԵՐԻ ԵՎ ԳՆԵՐԻ

	Բժշկական օգնության և սպասարկման տեսակը և ծառայությունը	Միավորի գինը (դրամ)
1	Հայաստանի Հանրապետության առողջապահության ոլորտի վիճակագրական հաշվետվությունների հետ կապված վերլուծական աշխատանքների տեխնիկական սպասարկում (մեկ ամսվա հաշվով)	2,250,000
2	Նախորդ տարվա առողջապահության ազգային հաշիվների զեկույցի կազմման ծառայություններ (մեկ ամսվա հաշվով)	2,176,000
3	Հայաստանի Հանրապետության առողջապահության արդյունավետության գնահատման տարեկան զեկույցի կազմման ծառայություններ (մեկ ամսվա հաշվով)	2,156,000
4	Նորմատիվ փաստաթղթերի մշակման ծառայություններ (մեկ նորմատիվ փաստաթղթի մշակման արժեքը)	500,000
5	Մասնագիտական գործունեության հավաստագրման և շարունակական մասնագիտական զարգացման կրեդիտավորման ծառայություններ (մեկ ամսվա հաշվով)	2,300,000
6	Գրադարանային ծառայություններ (մեկ ամսվա հաշվով)	3,717,900
7	Թմրամիջոցների և թմրամիջոցներից կախվածության մոնիթորինգի տարեկան զեկույցի կազմման ծառայություններ (մեկ ամսվա հաշվով)	838,600
8	Բժշկական գործելակարգերի մշակման ծառայություններ	50,000

ԱՆ գլխավոր քարտուղար՝ _____ Վարդանուշ Գրիգորյան

Տնօրեն _____ Ալեքսանդր Բազարյան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀՈՒԹՅԱՆ ՆԱԽԱՐԱՐՈՒԹՅԱՆ
 ԵՎ

ԱՆ «ԱՎԱԴԵՄԻԿՈՍ Ս. ԱՎԴԱԼԲԵԿՅԱՆԻ ԱՆՎԱՆ ԱՌՈՂՋԱՊԱՀՈՒԹՅԱՆ
 ԱԶԳԱՅԻՆ ԻՆՍՏԻՏՈՒՏ» ՓԲԸ պայմանագրային գումար

(հազար դրամ)

Ծրագիր	Միջոցառում	Բժշկական օգնության և սպասարկման ծրագրի անվանումը	Չափման միավորը	Քանակ	2023 թվականի պայմանագրային գումար
		Ընդամենը, այդ թվում՝	X	X	
1191		Խորհրդատվական, մասնագիտական աջակցություն և հետազոտություններ, այդ թվում	X	X	
	11001	Խորհրդատվական, մասնագիտական աջակցություն և հետազոտություններ ծառայություններ	դրամ	1	191.262,0

ԿԱՏԱՐՈՂ

ՊԱՏՎԻՐԱՏՈՒ

ԱՆ գլխավոր քարտուղար՝

_____ Վարդանուշ Գրիգորյան

Տնօրեն՝

_____ Ալեքսանդր Բազարյան

Գաղտնի

Պատվիրատու

ԱՆ գլխավոր քարտուղար՝

_____ Վարդանուշ Գրիգորյան

Կատարող

Տնօրեն՝

----- Ալեքսանդր Բազարյան

ՊԱՅՄԱՆԱԳՐԱՅԻՆ ԳՈՒՄԱՐԻ ԿԱՏԱՐՄԱՆ ԱՄՍԱԿԱՆ ՀԱՄԱՄԱՍՆՈՒԹՅՈՒՆՆԵՐ*

հազ. դրամ

N	Ծրագրի անվանումը	2023թ պայմանագրային գումարի կատարման ամսական համամասնություններ ըստ ամսիների՝ ընդ որում												
		հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	Ընդամենը տարի
	Խորհրդատվական, մասնագիտական աջակցություն և հետազոտություններ	32.000,0	32.000,0	32.000,0	76.400,0	76.400,0	76.400,0	124.400,0	124.400,0	124.400,0	191.262,0	191.262,0	191.262,0	191.262,0

*Ներկայացված են աճողական կարգով

ՎՃԱՐՄԱՆ ԺԱՄԱՆԱԿԱՑՈՒՅՑ*

հազ. դրամ

N	Ծրագրի անվանումը	2023թ նախատեսվում է ֆինանսավորել ըստ ամսիների՝ ընդ որում												
		հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	Ընդամենը տարի
	Խորհրդատվական, մասնագիտական աջակցություն և հետազոտություններ		32.000,0	32.000,0	76.400,0	76.400,0	76.400,0	124.400,0	124.400,0	124.400,0	191.262,0	191.262,0	191.262,0	191.262,0

ՊԱՏՎԻՐԱՏՈՒ

ԿԱՏԱՐՈՂ

ԱՆ գլխավոր քարտուղար՝

Տնօրեն՝

Վարդանուշ Գրիգորյան

Ալեքսանդր Բազարյան
